

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.01.2019թ. թիվ 1908992220 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<12>> 02 2019թ. 17-13 6904-19/17-13 629 ք. Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սահակ Հայրապետի Արգումանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի Զոլաքար գյուղի 11-րդ փողոցի 8 տան բնակիչ Սահակ Հայրապետի Արգումանյանը դիմումով հայտնել է, որ <<MERCEDES-BENZ>> մակնիշի 70XX970 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 16.01.2019թ. թիվ 1908992220 որոշումը՝ նշելով, որ ՀՀ Մ-4 80.5 կմ. Գեղարքունիքի մարզի հատվածում առկա է 3.24 <<Առավելագույն արագության սահմանափակում>> (50կմ/ժ) ճանապարհային նշանը:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Սահակ Հայրապետի Արգումանյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկն անհիմն է և ենթակա է մերժման հետևյալ պատճառաբանությամբ.

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից 01.02.2019թ. տրված տեղեկանքի համաձայն՝ Մ-4 Երևան-Սևան-Իջևան-Ադրբեջանի սահման միջպետական նշանակության ավտոճանապարհի 80.5 կմ. ճանապարհահատվածում՝ թունելի մոտ, արագաչափ սարքից առաջ ՀՀ կառավարության 26.10.2006թ. N1699-Ն որոշման պահանջներին համապատասխան՝ երթևեկության մասնակիցների համար տեսանելի վայրում, տեղադրված է 3.24 (50կմ/ժ) <<Առավելագույն արագության սահմանափակում>> ճանապարհային նշանը, որը առկա է եղել նաև իրավախախտման կատարման օրը՝ 23.12.2018թ-ին:

<<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետությունում շահագործվող բոլոր արագաչափ սարքերը սահմանված ժամկետում և կարգով ստուգաչափված են, հետևաբար, սահմանված արագության գերազանցման փաստը դիմումատուին պատկանող տրանսպորտային միջոցով կատարված լինելու հանգամանքը չի կարող կասկածի տակ դրվել, քանի որ լուսանկարում նշված է տրանսպորտային միջոցի երթևեկության գոտին, ուղղությունը և այլն:

Այսպիսով ակնհայտ է, որ ՀՀ Մ-4 80.5 կմ. Գեղարքունիքի մարզի հատվածում տեղադրված արագաչափ սարքով արձանագրվել է դիմումատուի տրանսպորտային միջոցի արագությունը՝ 66 կմ/ժ, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 6 կմ/ժ, որը նախատեսված է Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասով, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և այն բեկանելու որևէ հիմք առկա չէ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Սահակ Հայրապետի Արզումանյանի՝ Ճանապարհային ոստիկանության վարչական տույժ նշանակելու մասին 16.01.2019թ. թիվ 1908992220 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Սահակ Հայրապետի Արզումանյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
4. Սույն որոշման օրինակն ուղարկել Սահակ Հայրապետի Արզումանյանին և ՃՈ ՏՄՀԽԱ կենտրոն:



Ե.Կարապետյան